



Griffie ER Bonaire	
Ingek.:	AUG 15 2019
Volgnummer:	2019008960
Griffier:	Uitv.:

Konseho Insular

Atn: Presidente, sr. Edison Rijna
Passangrahan
Kralendijk, Presente

Fecha: 15 ougùstùs 2019
Kontakto: Sr. Clark Abraham
E-mail: Frakshon@PartidoDemokrat.org

Tópiko: ***Petishon Reunion Èkstra Ordinario - Rechasá e Mínimo Sosial stipulá pa Bonaire***

Apresiabel Presidente,

Den media nos por a tuma nota ku den yùni último, sekretario di Estado Tamara van Ark a stipulá e Mínimo Sosial pa Bonaire na \$ 945,-- pa un persona soltero. Nos ta keda sumamente asombrá pa e notisia aki tumando nota ku e raport di Regioplan 'Onderzoek naar een ijkpunt voor het sociaal minimum in Caribisch Nederland' ta indiká den su tabèl 3.1 ku un persona soltero mester di por lo ménos \$ 1.349,-- pa luna pa por biba na un manera humano na Bonaire.

Nos asombro ta aun mas grandi tumando nota ku riba 4 di yùni último, nos por a tuma nota den media ku Diputado Den Heyer a topa ku Sekretario di Estado van Ark pa deliberá riba stipulashon di un Mínimo Sosial. Riba 26 di yùni último, Diputado Den Heyer a bolbe topa ku Sekretario di Estado van Ark na st. Eustatius pa un biaha mas trata stipulashon pa un Mínimo Sosial pa Bonaire. Nunka Konseho Insular no a risibí relato di e bishita di trabou nan aki hasi pa Diputado Den Heyer.

Den mesun siman nos por a tuma nota den media ku Sekretario di Estado a stipulá e Mínimo Sosial pa Bonaire na \$ 945,-- ku ta 30% ménos ku e montante indiká pa e investigashon hasi pa Regioplan riba gastunan real na Bonaire. Alabes e Mínimo Sosial stipulá ta apénas \$ 50, -- mas ku e Salario Mínimo di \$ 894,-- vigente na Bonaire.

E indignashon den Pueblo ta grandi, sigur si tuma nota ku riba 8 di April último, Frakshon di DEMOKRAT a presentá un moshon den Konseho Insular pa stipulá tabèl 3.1 di rapòrt di Regioplan, ku e montante di \$ 1.349,-- ariba mensioná, komo liña di maneho pa Gobièrnu di Bonaire pa ku Mínimo Sosial.

Ta e mesun diputado responsabel pa Asuntu Sosial, sra. Nina den Heyer, komo miembro di Frakshon di MPB, a vota kontra e moshon proponé i asina rechasá pa stipulá e Mínimo Sosial na un nivel humano, lagando espasio habri pa Sekretario di Estado stipulá un Mínimo Sosial ku nos por konsiderá un bòfta pa nos Pueblo.

Un Mínimo Sosial komo liña di maneho ta un instrumento esensial pa Gobièrnu por stipulá kua gremio den su komunidad ta den nesesidat i mester di ayudo. Asina un Gobièrnu por stipulá ken ta bin na remarke pa sosten sosial òf kua maneho adishonal mes desaroyá pa yuda òf stimulá esnan ku ta òf ta den peliger di kai bou di e liña sosial investigá.

Aworakí por konkluí ku Gobièrnu ta di opinion, ku tur hende na Bonaire ku tin un entrada igual òf riba \$ 950, no ta den nesesidat sosial i pa ku esei posiblemente no ta bini na remarke pa sosten òf



maneho sosial di Gobièrnu. Esaki por ta un riesgo inmenso pa esnan den nos komunidad ku ta den nesesidat i mester risibí ayudo Sosial di Gobièrnu.

E situashon ariba mensioná ta di preokupashon grandi pa nos komunidad i ta ilustrá kon na un manera irresponsabel ta hiba nos maneho sosial i interes di Pueblo.

Pa e motibu aki mes suskrito konforme artíkulo 18 insiso 2 di wolBESⁱ i artíkulo 13 insiso 1 di nos Reglamentu di Órden ta hasi petishon pa un reunion èkstra ordinarioⁱⁱ ku e siguiente puntonan di agènda:

1) Rechasá Mínimo Sosial stipulá pa Bonaire;

Pa ku e reunion aki nos kier supliká e siguiente invitadonan i dokumento:

Invitado

- 1) Diputado enkargá ku Asuntunan Sosial, Sra. Nina den Heyer;
- 2) Raadgevend Overleg Werkgevers [ROW], atn. Sra. Anja Romeijnders – kordinadó general;
- 3) Union Sindikal Boneriano [USIBO], atn. Sra. Mavis Abrahams – Presidente;

Dokumento

- 1) Desishon di Sekretario di Estado van Ark pa stipulá Mínimo Sosial;
- 2) Petishonnan di Kolegio Ehekutivo na Sekretario di Estado van Ark, pa stipulá Mínimo Sosial;
- 3) Kontestanan di Sekretario di Estado van Ark riba e petishon di Kolegio Ehekutivo;
- 4) Relato di bishita di trabou di Diputado den Heyer na Sekretario di Estado van Ark di yüni último na Den Haag;
- 5) Relato di bishita di trabou di Diputado den Heyer na Sekretario di Estado van Ark di yüni último na St. Eustatius;

Konforme nos Reglamentu di Órden, demas stipulashon ta na vigor pa reunion nan Èkstra Ordinarioⁱⁱⁱ. Pa e motibu ei nos nos ta en espera pa un yamada dentro di shete dia^{iv} pa un reunion Públiko di Forma Opinion riba djamars, 19:00 na sala di reunion den Passangrahan.^v

Si por a risibí e dokumentonan rekerí, por lo ménos 72 ora promé ku orario stipulá pa e Reunion Públiko konvoká.

En espera di e konvokashon i dokumento rekerí nos ta mantené.

Atentamente,

Sr. Clark Abraham
Frakshon Demokrat
Konseho Insular Bonaire

Sra. Rolanda Hellburg-Makaai
Frakshon Demokrat
Konseho Insular Bonaire

Sr. Michael Pieters
Frakshon Demokrat
Konseho Insular Bonaire



ⁱ Art 18.2 wolBES – *‘Voorts vergadert de eilandsraad indien de gezaghebber het nodig oordeelt of indien ten minste een vijfde van het aantal leden waaruit de eilandsraad bestaat schriftelijk, met opgave van redenen, daarom verzoekt.’;*

ⁱⁱ Art 13.1 RdO – *‘Indien ten minste een vijfde van het aantal leden waaruit de raad bestaat schriftelijk met opgave van redenen daarom verzoekt, roept de voorzitter de vergadering bijeen.’;*

ⁱⁱⁱ Art 13.4 RdO – *‘De vergadering vindt plaats met in achtneming van de bepalingen van dit reglement.’;*

^{iv} Art. 14.1 RdO – *‘De voorzitter zendt ten minste 7 dagen voor een vergadering de leden van de eilandsraad een schriftelijke oproep onder vermelding van dag, tijdstip en plaats van de vergadering.’;*

^v Art 12.3 RdO– *‘De centrale commissie en de besluitvormende vergaderingen van de eilandsraad vinden in de regel plaats op een, op aanbeveling van het presidium, door de eilandsraad bepaalde vaste dag en uur en worden gehouden in het gebouw van de eilandsraad.’;*